



*Sabtu, 8 Januari 2022*  
**Ogen: ESEKIEL 22:17-22**



**Tuhu-Tuhu La Erguna**



**T**embaga, timah, timah mbiring, pirak e me piga-piga logam si cukup meherga. Tapi kerina barang-barang e ibuat i bas penambangan nari, janah iproses lebe maka banci iolah guna jadi barang si lebih erguna ras meherga. Desken kerina logam sideban, perbahan ia tercampur denga ras kersik si melket, maka logam-logam e arus ilebur i bas api si melas, seh maka bagin si mehuli kari enggo lepas arah bagin si la mehulina.

Bangsa Israel desken logam-logam si meherga siibuatNa arah kubang nari. Ersada denga ras si melket. Bageme bangsa e ipekena-kena Tuhan, iperidina seh bersih. Tapi erkiteken pemberontaken ras kinilapatuhenNa, bangsa e lanai merga akap Tuhan. Enggo desken sisa-sisa penutungen logam ndai ngulih, tading man ambekenken. Amin bage gia labo ate Tuhan ambekkenNa bangsana tuhu-tuhu aminna gia lanai tempa lit gunana. Sura-surana ileburna ngulih desken ia ngelebur besi, alu api si lanai kel lang-lang rawana, tapi kerina e sura-suraNa labo gelah engkernepenca, tapi gelah ndarat kualitas si mehulina sibanci denga ipake ngulih. Kinatana kencana nbuatan Esekiel enda, kuta Jerusalem tuhu itutung seh maka rumah pertoton siibangun Salomo keru meseng, ras anak kuta Jerusalem si la mate pas paksa e ibaba jadi tabanen ku Babil. Si e kerina iijinken Tuhan gelah reh teridahna kuasaNa.

Arus sisedari kita meherga kel akap Dibata. Tapi biak-biak pemberontak, la patuh man Tuhan ras kedonin mahanca kita ngulih desken sampah, situhu-tuhu la erguna. Meherga kel kita akap Tuhanta, ola min si lasamken e, alu nggeluh ras ngerana bagi ate-ateta saja. Siksik lebe maka tindes, ukuri lebe maka ibelasken ras ilakoken. Erlayas min katawari pe kita gelah termulia gelah Dibata, bage pe ngena ate sinterem e man banta.